

深獄門戶堅牢唯有廁孔便從中出至無閑
處菩薩摩訶薩修大涅槃行布施時亦復如
是善男子譬如貴人恐怖急厄更無恃怙依
旃陀羅菩薩摩訶薩修大涅槃行於布施亦
復如是善男子譬如病人為除病苦得安樂
故服食不淨菩薩摩訶薩修大涅槃行於布

公九

十八

施亦復如是善男如娑羅門值穀涌貴為壽
命故食啖狗肉菩薩摩訶薩修大涅槃行於
布施亦復如是善男子大涅槃中如是之事
從無量劫來不聞而聞尸羅尸羅波羅蜜乃
至般若般若波羅蜜如雜華經中廣說善男
子云何菩薩摩訶薩修大涅槃不聞而聞十
二部經其義深遠昔來不聞今因是經得具
足聞先雖得聞名字而今於此大涅槃經乃
得聞義聲聞緣覺唯聞十二部經名字不聞
其義今於此經具足得聞是名不聞而聞善
男子一切聲聞緣覺經中不曾聞佛有常樂
我淨不畢竟滅三寶佛性無差別相犯四重

禁謗方等經作五逆罪及一闍提悉有佛性
今於此經而得聞之是名不聞而聞
大涅槃經卷第十九
公九

大般涅槃經高貴德王菩薩品之二卷第二十

三藏委無識譯梵沙門慧嚴慧觀同謝靈運再治

光明徧照高貴德王菩薩白佛言世尊若犯
重禁謗方等經作五逆罪一闍提等有佛性
者是等云何復墮地獄世尊若使是等有佛
性者云何復言無常樂我淨世尊若斷善根
名一闍提者斷善根時所有佛性云何不斷
佛性若斷云何復言常樂我淨如其不斷何
故名為一闍提耶世尊犯四重禁名為不定
謗方等經作五逆罪及一闍提悉名不定如
是等輩若決定者云何得成阿耨多羅三藐
三菩提得須陀洹乃至辟支佛亦名不定若

須陀洹至辟支佛是決定者亦不應成阿耨
 多羅三藐三菩提世尊若犯四重不決定者
 須陀洹乃至辟支佛亦不決定如是不定諸
 佛如來亦復不定若佛不定涅槃體性亦復
 不定至一切法亦復不定云何不定若一闍
 提除一闍提則成佛道諸佛如來亦應如是
 入涅槃已亦應還出不入涅槃若如是者涅
 槃之性則為不定不決定故當知無有常樂
 我淨云何說言一闍提等當得涅槃爾時世
 尊告光明徧照高貴德王菩薩言善哉善哉
 善男子為欲利益無量眾生令得安樂憐憫
 慈念諸世間故為欲增長發菩提心諸菩薩
 故作如是問善男子汝已親近過去無量諸
 佛世尊於諸佛所種諸善根久已成就菩提
 功德降伏眾魔令其退散已教無量無造乘
 生悉令得至阿耨多羅三藐三菩提久已通
 達諸佛如來所有甚深祕密之藏已問過去
 無量無邊洹河沙等諸佛世尊如是甚深微

密之義我都不見一切世間若人若天沙門
 婆羅門若魔若梵有能諮問如來是義今當
 誠心諦聽諦聽吾當為汝分別演說善男子
 一闍提者亦不決定若決定者是一闍提終
 不能得阿耨多羅三藐三菩提以不決定者
 是故能得如汝所言佛性不斷云何一闍提
 斷善根者善男子善根有二種一者內二者
 外佛性非內非外以是義故佛性不斷復有
 二種一者有漏二者無漏佛性非有漏非無
 漏是故不斷復有二種一者常二者無常佛
 性非常非無常是故不斷若是斷者則應還
 得若不還得則名不斷若斷已得名一闍提
 犯四重者亦是不定若決定者犯四重禁終
 不能得阿耨多羅三藐三菩提謗方等經亦
 復不定若決定者謗正法人終不能得阿耨
 多羅三藐三菩提作五逆罪亦復不定若決
 定者五逆之人終不能得阿耨多羅三藐三
 菩提色與相二俱不定香味觸相生相至無

明相陰入界相二十五有相四生乃至一切諸法皆亦不定善男子譬如幻師在大衆中化作四兵車步象馬作諸纓絡嚴身之具城邑聚落山林樹木泉池河井於彼衆中有諸小兒無有智慧觀見之時悉以爲實其中智人知其虛誑以幻力故惑人眼目善男子一

切凡夫乃至聲聞辟支佛等於一切法見有定相亦復如是諸佛菩薩於一切法不見定相善男子譬如小兒於盛夏月見熱時皎謂之爲水有智之人於此熱皎終不生於實水之想但是虛皎誑人眼目非實是水一切凡夫聲聞緣覺見一切法亦復如是悉謂是實

諸佛菩薩於一切法不見定相善男子譬如山澗因聲有響小兒聞之謂是實聲有智之人解無定實但有聲相誑於耳識善男子一切凡夫聲聞緣覺於一切法亦復如是見有定相諸菩薩等解了諸法悉無定相是無常相空寂等相無生滅相以是義故菩薩見一

半

三

切法は無常相善男子亦有定相云何爲定常樂我淨在何處耶所謂涅槃善男子須陀洹果亦復不定不決定故經八萬劫得阿耨多羅三藐三菩提心斯陀舍果亦復不定不決定故經六萬劫得阿耨多羅三藐三菩提心阿那含果亦復不定不決定故經四萬劫得阿耨多羅三藐三菩提心阿羅漢果亦復不定不決定故經二萬劫得阿耨多羅三藐三菩提心辟支佛道亦復不定不決定故經十千劫得阿耨多羅三藐三菩提心善男子如來今於拘尸城娑羅雙樹間示現倚卧師子之牀欲入涅槃令諸未得阿羅漢果衆弟子等及諸力士生大憂苦亦令天人阿修羅乾闥婆迦樓羅緊那羅摩睺羅伽等大設供養欲使諸人以千端麤纏裹其身七寶爲棺盛滿香油積諸香水以火焚之唯除二端不可得燒一者襯身二者最在外爲諸衆生分散舍利以爲八分一切所有聲聞弟子咸言

如來入於涅槃當知如來亦不必定入於涅槃何以故如來常住不變易故以是義故如來涅槃亦復不定善男子當知如來亦復不足如來非天何以故有四種天一者世間天二者生天三者淨天四者義天世間天者如諸國王生天者從四天王乃至非有想非無

想天淨天者從須陀洹至辟支佛義天者十住菩薩摩訶薩等以何義故十住菩薩名為義天以能善解諸法義故云何為義見一切法是空義故善男子如來非王亦非四天乃至非有想非無想天從須陀洹至辟支佛十住菩薩以是義故如來非天然諸衆生亦復稱佛為天中天是故如來非天非非天人非非人非鬼非非鬼非地獄畜生餓鬼非非地獄畜生餓鬼非衆生非非法非非法非色非非色非長非非長非短非非短非相非非相非心非非心非有漏非無漏非有為非無為非有常非無常非幻非非幻非名

公十

非非名非定非非定非有非無非說非非說非如來非不如來以是義故如來不定善男子何故如來不名世天世天即是諸王如來久於無量劫中已捨王位是故非王非非王者如來生於迦毗羅城淨飯王家是故非非王非生天者如來久已離諸有故是故非生天非非生天何以故非梵率天下間淨提故是故如來非非生天亦非淨天何以故如來非是須陀洹乃至非辟支佛是故如來非是淨飯天非非淨天何以故世間八法所不能染猶如蓮華不受塵水是故如來非非淨天亦非義天何以故如來非是十住菩薩是故如來非是義天非非義天何以故如來常修十八空義是故如來非非義天如來非人何以故如來久於無量劫中離人有故是故非人亦非非人何以故生於迦毗羅城故是故非非人如來非鬼何以故不害一切衆生故是故非鬼亦非非鬼何以故亦以鬼像化衆

衆生故是故非非鬼如來亦非地獄畜生餓鬼何以故如來久離惡業故是故非地獄畜生餓鬼亦非非地獄畜生餓鬼何以故如來亦復現受三惡諸趣之身化衆生故是故非非地獄畜生餓鬼亦非衆生何以故久已捨離衆生性故是故如來非衆生亦非衆生何

分

五

以故或時演說衆生相故是故如來非非衆生如來非法何以故諸法各各有別異相如來不爾唯有一相是故非法非法何以故如來法界故是故非法如來非色何以故十色入所不攝故是故非色亦非非色何以故身有三十二相八十種好故是故非非色如來非長何以故斷諸色故是故非長亦非非長何以故一切世間無有能見頂髻相故是故非非長如來非短何以故久已遠離憍慢結故是故非短亦非短何以故爲瞿師長者示三尺身故是故非非短如來非相何以故久已遠離諸相相故是故非相亦非非相

何以故善知諸相故是故非非相如來非心何以故虛空相故是故非心亦非非心何以故有十力心法故亦能知他衆生心故是故非非心如來有非爲何以故常樂我淨故是故非有爲亦非無爲何以故有來去坐卧示現涅槃故是故非無爲如來非常何以故身有分故是故非常云何非常以有知故常法無知猶如虛空如來有知是故非常云何非常有言說故常法無言亦如虛空如來有言是故無常有姓氏故名曰無常無姓之法乃各爲常虛空常故無有姓氏如來有姓氏瞿曇氏是故無常有父母故名曰無常無父母者乃名曰常虛空常故無有父母佛有父母是故無常有四威儀名曰無常無四威乃名曰常虛空常故無四威儀佛有四威儀是故無常常住之法無有方所虛空常故無有方所如來出在東天竺地住舍婆提或王舍城是故無常以是義故如來非常亦非非常何以

故生求斷故有生之法名曰無常無生之法
 乃名為常如來無生是故為常常法無姓有
 姓之法名曰無常如來無生無姓無生無姓
 故常有之法徧一切處猶如虛空無處不有
 如來亦爾徧一切處是故為常無常之法或
 言此有或言彼無如來不爾不可說言是處

公十

六

有彼處無是故為常無常之法有時是有有
 時是無如來不爾有時是有有時是無是故
 為常常住之法無名無色虛空常故無名無
 色如來亦爾無名 無色是故為常常住
 之法無因無果虛空常故無因無果如來亦
 爾無因無果是故為常 常住之法三世不

攝如來亦爾三世不攝是故為常如來非幻
 何以故求斷一切虛誑心故是故非幻亦非
 非幻何以故如來或時分比一身為無量身
 無量之身復為一身山壁直過無有障闕種
 水如地入地如水行空如地身出煙燄如大
 火聚雲雷震動其聲可畏或為城邑聚落舍

宅山川樹木或作大身或作小身男身女身
 童男女身是故如來亦非非幻如來非定何
 以故如來於此拘尸城娑羅雙樹間示現入
 於涅槃故是故非定亦非非定何以故常樂
 我淨故是故如來亦非非定如來非有漏何
 以故斷三漏故非有漏三漏者欲界一切煩

惱除無明是名欲漏色無色界一切煩惱除
 無明是名有漏三界無明名無明漏如來求
 斷是故非漏復次一切凡夫不見有漏云何
 凡夫不見有漏一切凡夫於未來世悉有疑
 心未來世中當得身耶不得身耶過去世中
 身本有耶為本無耶現世世中是身有耶是

公十

七

身無耶若有我者是色耶非色耶色非色耶
 非色非非色耶想耶非想耶想非想非非想
 耶是身屬他耶不屬他耶屬不屬耶非屬非
 不屬耶有命無身耶有身無命耶有身有命
 耶無身無命耶身之與命有常耶無常耶常
 無常耶非常非無常耶身之與命自在作耶

時節作耶無因作耶世性作耶微塵作耶法
非法作耶士夫作耶煩惱作耶父母作耶我
住心耶住眼耶徧滿身中耶從何來耶去何
至耶誰生耶誰死耶我於過去是婆羅門姓
耶是刹利姓耶是毗舍姓耶是首陀姓耶當
於未來得何姓耶我此身者過去之時是男

身耶是女身耶畜生身耶若我殺生當有罪
耶當無罪耶乃至飲酒當有罪耶當無罪耶
我自作耶為他作耶我受報耶身受報耶如
是疑見無量煩惱獲眾生心因是疑見生六
種心決定有我決定無我我見我見無我
無我見我我作我受我知是名耶見如來求

拔如是無量見漏根本是故非漏善男子善
薩摩訶薩於大涅槃修聖行者亦得永斷如
是諸漏諸佛如來常修聖行是故無漏善男
子凡夫不能善攝五根則有三漏為惡所牽
至不善處善男子譬如惡馬其性狠戾能令
乘者至險惡處不能善攝此五根者亦復如

是令人遠離涅槃善道至諸惡處譬如惡象
心未調順有人乘之不隨意去遠離城邑至
空曠處不能善攝此五根者亦復如是將人
遠離涅槃城邑至於生死曠野之處善男子
譬如佞臣教王作惡五根佞臣亦復如是常
教眾生造無量惡善男子譬如惡子不受師

長父母教勅則無惡不造不調五根亦復如
是不受師長善言教勅無惡不造善男子凡
夫之人不攝五根常為地獄畜生餓鬼之所
賊害亦復怨盜害及善人善男子凡夫之人
不攝五根馳騁五塵譬如牧牛不善守護犯
人苗稼公十凡夫之人不攝五根常在諸有多受

苦惱善現善薩摩訶薩修大涅槃行聖行時
常能善調守攝根怖畏貪欲瞋恚愚癡憍慢
嫉妬為得一切諸善法故善男子若能善守
此五根者則能攝心若能攝心則攝五根譬
如有人擁護於王則護國土護國土者則護
於王善薩摩訶薩亦復如是若得聞是大涅

繫經則得智慧得智慧故則得專念五根若散念則能止何以故是念慧故善男子如善牧者設牛東西啖他苗稼則便遮止不令犯暴菩薩摩訶薩亦復如是念慧念緣故守攝五根不令馳散菩薩摩訶薩有念慧者不見我相不見我所相不見衆生及所受用見一切法同法性相生於土石瓦礫之相譬如屋舍從衆緣生無有定性見諸衆生四大五陰之所成立推無定性無定性故菩薩於中不生貪著一切凡夫見有衆生故起煩惱菩薩摩訶薩修大涅槃有念慧故於諸衆生不生貪著復次菩薩摩訶薩修大涅槃繫經者不著衆生作種種法相善男子譬如畫師以衆雜彩畫作衆像若男若女若牛若馬凡夫無知見之則生男女等相畫師了知無有男女菩薩摩訶薩亦復如是於法異相觀於一相終不生於衆生之相何以故有念慧故菩薩摩訶薩修大涅槃或時覩見端正女人終不生

公十

九

於貪著之心何以故善觀相故善男子菩薩摩訶薩知五欲法無有歡樂不得暫停如犬齧枯骨如人持火逆風而行如炭毒蛇夢中所得路遺果樹多人所擲亦如段肉衆鳥競逐如水上泡畫水之迹如織經盡如囚趣市猶如假借勢不得久觀欲如是多諸過惡復次菩薩觀諸衆生爲色香味觸因緣故從昔無數無量劫來常受苦惱一一衆生一劫之中所積身骨如王舍城毗富羅山所飲乳汁如四海水身所出血復多於是父母兄弟妻子眷屬命終哭泣所出目淚多四大海盡地草木斬爲寸筭以數父母亦不能盡無量劫來或在地獄畜生餓鬼所受行苦不可稱計九此大地猶如棗等易可窮極生死無量不可得盡菩薩摩訶薩如是深觀一切衆生欲因緣故受苦無量菩薩以是生死行苦故不失念慧善男子譬如世間有諸大衆滿二十五里王勅一臣持一油鉢經由中過莫令傾覆

若弃一涕當斷汝命復遣一人技刀在後隨而怖之臣受王教盡心堅持經歷爾所大衆之中雖見可意五邪欲等心常念言我若放逸著彼邪欲當弃所持命不全濟是人以是怖因緣故乃至不弃一涕之油菩薩摩訶薩亦復如是於生死中不失念慧以不失故雖見五欲心鉢著若見淨色不生色相唯觀苦相乃至識相亦復如是不作生相不作滅相不作因相觀和合相菩薩是時五根清淨根清淨故護根戒具一切凡夫五根不淨不能善持名曰根漏菩薩永斷是故無漏如來拔出永斷根本是故非漏復次善男子復有離漏菩薩欲爲無上甘露佛界故離於惡漏云何爲離若能修行大涅槃經書寫受持讀誦解說思惟其義是名爲離何以故善男子我都不見十二部經能離惡漏如此方等大涅槃經善男子譬如明師教諸弟子諸弟子中有受教者心不造惡善菩薩修大涅槃微妙經

公十

十

典亦復如是心不造惡善男子譬如世間有善呪術若有一聞後二十年不爲一切毒藥所中蛇不能螫若有誦者乃至命盡無有衆惡善男子是大涅槃亦復如是若有衆生一經耳者却後七劫不墮惡道若有書寫讀誦解說思惟其義必得阿耨多羅三藐三菩提得見佛性如彼聖王得甘露味善男子是大涅槃經有如是等無量功德善男子若有人能書寫是經讀誦解說爲他敷演思惟其義當知是人真我弟子善受我教是我所見我之所念是人諦知我不涅槃隨如是人所住之處若城邑聚落山林曠野房舍田宅樓閣殿堂我亦在中常住不移我於是人常作受施或作比丘比丘尼優婆塞優婆夷婆羅門梵志貧窮乞人云何當令是人得知如來受其所施是人或於夜卧夢中夢見佛像或見沙門諸天之像國主聖王師子王像蓮華形象夏雲華像或見大山或大海水或見日月

或見白象及白馬或見父母得華得果金銀琉璃頗梨等寶五種牛味爾時當知即是如來受其所施寤已喜樂尋得種種所須之物心不念惡樂修善法善男子是大涅槃悉能成就如是無量阿僧祇等不可思議無邊功德善男子汝今當信受我語若有善男子善

女人欲見我者欲恭敬敬同法性而見於我欲得空定欲見實相欲得修習首楞嚴定師子王定欲破八魔八魔者所謂四魔無常無樂無我無淨欲得人中天上樂者見有受持大涅槃經書寫讀誦為他解說思惟義者當往親近依附咨受供養恭敬尊重讚歎為洗手足布置牀席四事供給令無所乏若從遠來應十由旬路次奉迎為是經故所重之物應以奉獻若其無者應自賣身何以故是經難遇過優曇華善男子我念過去無量無造那由他劫爾時世界名曰娑婆有佛世尊號釋迦牟尼如來應供正徧知明行足善逝世

間解無上士調御丈夫天人師佛世尊為大衆宣說如是大涅槃經我於爾時從善友所轉聞彼佛當為大衆說大涅槃我聞是已心中歡喜欲設供養居貧無物周行賣身薄福不售即欲還家路見一人而復語言吾欲賣身君能買不其人荅言我家作業人無堪者汝設難我當買汝我即問言有何作業人無堪者其人荅言吾有惡病良醫處藥應當服人肉三兩卿若能以身肉三兩日日見給便當與汝金錢五枚我時聞已心大歡喜即復語言汝與我錢惠我七日須我事訖便還相就其人荅言七日不可審能爾者聽汝一日善男子我於爾時即取其錢還至佛所頭面禮足盡其所有而以奉獻然後誠心聽受是經我時聞鈍雖得聞經唯能受持一偈文句如來證涅槃永斷於生死若能至心聽常得無量樂

受是偈已即便還至彼病人家善男子我時
雖復日日與三兩肉以念偈因緣故不以爲
痛日日不廢足滿一月善男子以暝緣其病
得差我身平復亦無瘡痍我時見身具足完
具即發阿耨多羅三藐三菩提心一偈之力
尚能如是何况具足般若讀誦我見此經有如

公十

十二

是利復倍發心願於未來成得佛道字釋迦
牟尼善男子以是一偈因緣力故令我今日
於大衆中爲諸天人具足宣說善男子以是
因緣是大涅槃不可思議成就無量無邊功
德乃是諸佛如來甚深祕密之藏以是義故
能受持者斷離諸惡滿謂惡者惡象惡馬惡
牛惡狗毒蛇住處惡刺地土懸崖險岸暴水
洄澗惡人惡國惡城惡舍惡知識等如是等
輩若作漏因菩薩即離若不能作則不遠離
若增有漏則便離之若不增者則不遠離若
作惡法則便離之若能作善則不遠離云何
爲離不持刀杖常以正慧方便而遠離之是

故名爲正慧遠離爲生善法則離惡法菩薩
摩訶薩自觀其身如病如瘡如癰如怨如箭
入體是大苦聚悉是一切善惡根本是身雖
復不淨如是菩薩猶故瞻視將養何以故非
爲貪身爲善法故爲於涅槃不爲生死爲常
樂我淨不爲無常無我樂淨爲菩提道不爲

有道爲於一乘不爲三乘爲三十二相八十
種好微妙之身不爲乃至非有想非無想身
爲法輪王不爲轉輪王善男子菩薩摩訶薩
常當護身何以故若不護身命則不全命若
不全則不得書寫是經受持讀誦爲他廣說
思惟其義是故菩薩應善護身以是義故善

公十

十三

薩得離一切惡湯善男子如欲度水善護船
筏臨路之人善護良馬田夫種植善護糞穢
如爲蠶毒善護毒蛇如人爲財護旃陀羅爲
壞賊故養護健將亦如寒人愛護於火如癩
病者求於毒藥善護摩訶薩亦復如是雖見
是身無量不淨具足充滿爲欲受持大涅槃

經故猶好將護不令乏少菩薩摩訶薩觀於
 惡象及惡知識等無有二何以故俱壞身故
 菩薩於惡象等心無恐怖於惡知識生畏懼
 心何以故是惡象等唯能壞身不能壞心惡
 知識者二俱壞故是惡象等唯壞一身惡知
 識者壞無量善身無量善心是惡象等唯能
 破壞不淨身身惡知識者能壞淨身及以淨
 心是惡象等能壞肉身惡知識者壞於法身
 為惡象殺不至三趣為惡友殺必至三趣是
 惡象等但為身怨惡知識者為善法怨是故
 菩薩常當遠離諸惡知識如是等漏凡夫不
 離是故生漏菩薩離之則不生漏菩薩如是
 尚無有漏况於如來是故非漏云何親近漏
 一切凡夫受取衣食卧具醫藥為身心樂求
 如是物造種種惡不知過患輪迴三趣是故
 名漏菩薩見如是過則便遠離若須衣食即
 便受取不為身故但為於法不長憍慢心常
 卑下不為裝飾但為羞恥障諸寒暑惡風惡

雨惡蟲蠱蠅蚊蚤蝮蝮雖受飲食心無貪著
 不為身故常為正法不為膚體但為眾生不
 為憍慢為身力故不為怨害為治飢瘡雖得
 上味心無貪著受取房舍亦復如是貪慢之
 結不令居心為堪舍遮上結賊障惡風雨故
 受屋舍求醫藥者心無貪慢但為正法不為
 壽命為常命故善男子如人病瘡為酥麩塗
 以衣裹之為出膿血酥麩塗傳為愈瘡故以
 樂塗之為惡風故在深屋中菩薩摩訶薩亦
 復如是觀身是瘡故以衣覆為九孔漏求索
 飲食為惡風雨受取房舍為四毒發求覓醫
 藥菩薩摩訶薩受四種供養為菩提道非為
 壽命何以故菩薩摩訶薩作是思惟 我若
 不受是四供養身則磨滅不得堅牢若不堅
 牢則不忍苦若不忍苦則不能得修習善法
 若能忍苦則得修習無量善法我若不能堪
 忍疲苦則於苦受生瞋恚心於樂受中生貪
 著心若求樂不得則生無明是故凡夫於四

供養生於有漏菩薩摩訶薩能深觀察不生於漏是故菩薩名為無漏云何如來當名有漏是故如來不名有漏復次善男子一切凡夫雖善護身心猶故生於三種惡覺以是因緣雖斷煩惱得生非想非非想處猶故還墮三惡道中善男子譬如有人度於大海垂至彼岸沒水而死凡夫之人亦復如是垂盡三有還墮三塗何以故無善覺故何等善覺所謂六念趣凡夫之人善心羸劣不善熾盛善心羸故慧心薄少慧心薄故增長諸漏菩薩摩訶薩眼根清淨見三覺過知是三覺有種種患常與眾生作三乘怨三覺因緣乃令無量

年十

十五

是三惡覺常害於我或亦害他有是三覺一切諸惡常來隨從是三覺者即為三縛連綴眾生無邊生死菩薩摩訶薩常作如是觀察三覺菩薩或時有因緣故應生欲覺默然不受譬如端正淨潔之人不受一切污穢不淨如熱鐵丸人無受者如婆羅門性不受牛肉如飽滿人不受惡食如轉輪王不與一切旃陀羅等同坐一牀菩薩摩訶薩惡賤三覺不受不味亦復如是何以故菩薩思眾生知我是良福田我當云何受是惡法若受惡覺則不任為眾生福田我自不言是良福田眾生見相便言我是我今若起如是惡覺則為欺誑一切眾生我於往昔以欺誑故無量劫中流轉生死墮三惡道我若惡心受人信施一切天人及五通仙悉當證知而見訶責我若惡覺受人信施或令施主果報減少或空無報我若惡心受檀越施則與施主而為讎怨一切施主常於我所起赤子想我當云何欺

誑於彼而生怨想何以故或令施主不得果
報或少果報我常自稱為出家人夫出家人
不應起惡若起惡者則非出家之人身口相
應若不相應則非出家我弃父母兄弟妻子
眷屬之識出家修道正是修習諸善覺時非
是修習不善覺時辭如有人入海求寶不取
真珠而取水精亦如有人弃妙音樂遊戲糞
穢如捨寶女而愛念婢使如弃金器而用瓦
盂如弃甘露服食毒藥如捨親舊賢良醫反
從怨憎求藥自療亦如是捨離大師如來世
尊甘露法味而服魔怨種種惡覺人身難得
如優曇華我今已得如來難值過優曇華我
今已得值清淨法寶難得見聞我今已聞猶
如盲龜值浮木孔人命不停過於山水今日
雖存明亦難保云何縱心令住惡法壯色不
停猶如奔馬如何恃怙而生憍慢猶如惡鬼
伺求人過四大惡鬼亦復如是常來伺求我
之過失云何當令惡覺發起譬如朽宅垂崩

半

十六

之屋我命亦爾云何起惡我名沙門沙門之
人名覺善覺我今乃起不善之覺云何當得
名為沙門我名出家出家之人名修善道我
今行惡云何當得名為出家我今名為真婆
羅門婆羅門者名修淨行我今乃行不淨惡
覺云何當得名為婆羅門我今亦名利利大
姓利利姓者能除怨敵我今不能除惡怨敵
云何當得名利利姓我名比丘比丘之人名
破煩惱我今不破惡覺煩惱云何當得名為比
丘世有六趣難可值遇我今已得云何當令
惡覺居心何等為六一佛世難值二正法難
聞三怖心難起四中國難生五人身難得六
諸根難具如是六事難得已得是故不應起
於惡覺菩薩爾時修行如是大涅槃經常勤
觀祭是諸惡心一切凡夫不見如是惡心過
患故受三覺名為受漏菩薩見已不受不著
故捨不護依八聖道推之令去斬之令斷是
故菩薩無有受漏云何當言如來有漏以是

義故如來世尊非是有漏

公十

大般涅槃經卷第二十

大般涅槃經卷第二十一

輔一

三藏書院藏經光緒廿年刻本

高貴德王菩薩品之三

復次善男子凡夫若遇身心苦惱起種種惡若得身病若得心病令身口意作種種惡以作惡故輪迴三趣具受諸苦何以故凡夫之

人無念慧故是故生於種種諸漏是名念漏菩薩摩訶薩常自思惟我從往昔無數劫來為是身心造種種惡以是因緣流轉生死在三惡道具受眾苦遂令我遠三乘正路菩薩以是惡因緣故於己身心生大怖畏捨離眾惡趣向善道善男子譬如王以四毒蛇盛

之一篋令人養食瞻視卧起摩洗其身若令一蛇生瞋恚者我當準法戮之都市爾時其人聞王切令心生惶怖捨篋逃走王時復遣五旃陀羅拔刀隨之其人迴顧見後五人遂疾捨去是時五人以惡方便藏所持刀密遣一人詐為親善而語之言汝可來還其人不信投一聚落欲自隱匿既入聚中闚視諸舍都不見人執諸瓦器悉空無物既不見人衣物不得即便坐地聞空中聲咄哉男子此聚空曠無有居民今夜當有六大賊來汝設遇者命將不全汝當云何而得免之爾時其人恐怖漸增復捨而去路值一河河水漂急無有船筏以怖畏故即取種種草木為筏復更思惟我設住此當為毒蛇五旃陀羅一詐親善及六大賊之所危害若度此河筏不可依當沒水死寧沒水死終不為彼蛇賊損害即推草筏置之水中身倚其上運手動足截流而去即達彼岸安隱無患心意泰然恐怖消